



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

§. 16. De Columnis Herculis, & Freto Gaditano.

urn:nbn:de:hbz:466:1-13147

§. 16. De Columnis Herculeis in freto Gaditano.

NO MEN. Tradit Ælianus dictas esse *Briarei*, sed antea *Saturne*: forte Saturni quia à longo tempore positæ; Briarei quod Herculis fuisse nomen, ait ex Clearcho Xenodotus.

Iam verò Europæa *Calpe* nominatur, quasi Hydria *καλπις*, quia in morem crateris concaua prominere in mare: Dicitur & à Tzetze *Abenna*.

Africana autem *Abyla* nuncupabatur vulgò, sed à Barbaris, quia vox illa Punica *Montem Altum* sonat ut eruitur ex Plauto, à Græcis autem appellabatur *Cynegica*. Erat autem Mons ille situs in Metagoniis Numidicâ Gente, ut ait Eratosthenes apud Strabonem. Sed quid istæ COLUMNÆ? octo reperio diuersas in eâ quaestione opiniones.

Prima est Antiquorum apud Strabonem, eas esse aliquid ultra Gades, sed quid tandem istud esset ignorabant. An intelligebant Insulas Fortunatas?

Secunda. Esse ipsas Gadeis videlicet ultra quas non nauigaretur.

Tertia. Duas petras *Symplegadas*, seu *planctas* dictas, accedentes, atque recedentes: sic quidam apud Strabonem, & Eusebium.

Quarta. Fuisse hîc excitatas ab Hercule Columnas, unde locus postea nomen Columnarum retinuit; cui opinioni subscribere videtur Strabo.

Quinta. *Posidonij* apud Strabonem Columnas esse 8. cubitorum in templo Gaditano positas ex ære à Tyriis: Idem quoque *Philostatus*, nisi quod ex auro confectas velit.

Sexta. Esse vrbes duas, aut vnâ, aut tres, aut plures: sic enim diuersè multi sentiunt apud Hesychium.

Septima. Esse duas Insulas montibus *Calpe*, & *Abylæ* vicinas, quarum quæ *Abylam* penè attingebat *Iunonis* dicebatur, alterius tacetur nomen.

Octaua denique & communissima, duos esse montes, seu promontoria, quæ Hercules excidit, aut etiam aggestâ humo excitauit. Ita vulgò antiqui scriptores plerique omnes.